

摘藻堂四庫全書薈要

集部

欽定四庫全書薈要

集部

宋詩鈔卷二十三

四

詳校官候選知縣

臣吳甸華



欽定四庫全書薈要卷二萬二百七十六

集部

宋詩鈔卷二十三

內閣中書舍人吳之振編

鄭俠西塘集鈔

俠字介夫福清人第進士調光州司法叅軍秩滿入

都見安石言新法非便安石不悅使監安上門會久  
旱俠繪門上所見流民困苦圖發馬遞投銀臺進之  
神宗覽圖噓唏罷新法決日大雨用事者爭置俠擅

發馬通之罪編管汀州哲宗立放還除泉州錄事  
叅軍元符復送英州建中靖國放還復前職崇寧  
監衡山廟旋追毀前命勒停五年降告復將仕郎  
叙用俠遂不復出在英時號大慶居士還鄉所存唯  
一拂故又號一拂居士宣和元年忽夢鐵冠道士遺  
之詩視之乃予瞻也嘆曰吾將逝矣作詩云似此平  
生只藉天勝如過鳥在雲煙如今身畔無餘物贏得  
虛堂一枕眠授孫而卒年七十九嘉定中諡曰介俠

少苦學其古詩疎朴老直有次山東野之風不得以  
當行格調律之

謝太守答詩萊州

閒齋掩畫扉疎竹間風韻兀坐無所為仰高方苦峻關  
關兩喜鵲如以捷來獻疑其喜過常精爽抑何頓謂當  
有嘉賓結駟問原憲不然親交書萬里來問訊何意二  
千石新書爛盈卷使者入衡門紅光十餘仞衣冠出蓬  
室再拜望城闕開緘列宿動芒角相輝煥捧讀未終篇

欽降已三歎譬如涉春波渺不知涯岸又若驚雷霆但  
覺目眩轉誰言匹夫窮陋卷一簞飯簞有無價珍貴于  
青玉案昨者鄙俚辭惟求指瑕釁敢期明月珠傾寫殊  
不恠重重借褒譽許與良過分酷愛愚且直還憐貧且  
困惟人最難知聖哲其猶恨自非明如日安得物無遁  
程孔昔中途邂逅適所願傾蓋畢所懷日西不知倦聖  
賢欣道合萬古直一瞬淒涼千載餘此道誰復振未聞  
似今日曾不拜公面顧遇過所親思知久彌浚重念樗

散材平生慕忠順青衫百僚未言責固所追若其愛君  
心豈以爵祿辨謂宜為民上必與同喜愠謂宜食君祿  
寧當復私徇刀斧且滿前斯誠豈磨磷千載幸一時岩  
廊拱堯舜夔臯豈無人共鯀偶未竄眷委一失真聰明  
不無亂出令以便民動皆為深患疲羸死飢凍重負遭  
囚絆奔逃苟自活父子潛分散以天征不義如以雨蘇  
旱簞食迎王師東征西夷怨未聞百萬師戈鋌日持玩  
南取十數洞西開五六郡府庫為一空白骨成龍斷大

臣弄權柄生殺在顧盼威福不有歸佞邪尚何憚公忠  
獲罪咎正直招訶譴幽恚鬱不伸變異以頻見陰陽為  
之沴淫潦仍乾暵方且頌太平長歌事賡贊天子九重  
門深居拱閒燕人人懷欺匿比周相引荐以俠觀此時  
網維一何紊滔滔恐皆溺心竊擬手援是以屢上章指  
陳幾欲遍初雖蒙嘉納終不離讒間棄逐來窮陬星霜  
兩經閏簪紳滿朝著大半嗟排擯誰為憫窮褐粟帛推  
餘羨誰為念孤獨齒牙借餘論重傷棄逐久不敢畧自



辯高堂有單親日久庭闈戀同時得罪人一赦皆從便  
惟茲尚遠斥不許歸寧覲擬扣閭闔門明颺紫宸殿恨  
無可言路勇決固所斷嗟嗟道云亡丈夫兒女懦勢利  
同險巇風雲借餘便誰非顧金錢誰非思達宦孳孳顧  
理義惻惻念寒暖如公今幾人百世紹休聞

觀孔義甫與謝致仕詩有感

人生足清閒天下第一福惜哉聲與利舉世方逐逐君  
子耀軒裳小人腴口腹霜雪滿頤頷馳競心更速誰如

東山後清風千載續仁孝實天成聰明乃幾燭弱冠揖  
高科聲華光煜煜騏驥駕夷途千里在舉足歲末再周  
天官先上應宿皇華屢更指間請分符竹端介奉高明  
慈仁撫笄獨施設妙通神歡謳道相屬一旦遽上章幡  
然謝羈束古人泣官政五十曰父服公年未五十懇請  
竟從欲緬彼伋與軻進退遺佳躅三揖就恩榮一辭託  
巖谷由公仕以觀其庶無愧慙東臯我田園負郭予室  
屋兒姪幾百人圖史逾千軸親舊既周旋閨門更雍穆

賓來酒一樽興來碁一局吟嘯動煙雲詩書到僮僕寧  
知地有仙但見人如玉乃覺世間人爲生何局促譬如  
方污垢對之獨薰沐孔公當代賢宜其欽愛酷慷慨出  
長篇情殷語重複日日動歸思浩浩見林麓何意蒙鄙  
人幸茲一觀矚當筵頓忘味如聽簫韶曲平生粗意氣  
自初得書讀每見古聖賢心常自程督知身是罪根每  
每自鉏斲如彼善稼穡去草茂嘉穀深嘉遠世網有若  
囚脫桎惟茲素艱貧事與心反覆歷官二紀周一紀投

南隩歸時異去時聖主恩霖霖方欣到家鄉足覺愁慮  
簇高堂皓垂白甘旨不饒沃四弟兩背亡未言他骨肉  
繼又喪一弟三房等窮感不數姆與婢孤孀十有六薄  
業支半年一飯猶五菽蕭然夏秋際甚者日食粥人惟  
有父子恩親家室睦惟知有君臣禮義朝廷肅二者苟  
有違三靈共誅戮況茲生聖辰熙隆遇堯嚳艱虞免兵  
革少小遊庠塾青春被恩擢名姓粗揚暴孰非累聖德  
師誨而君牧中間更狂妄天聽常輕瀆云云不少已竟

致御史鞠所負鼎鑊輕敢意尚收錄日月忽中天湛恩  
我濯浴父子實再逢君臣亦敦復新恩胡為報舊過云  
何贖父母教子勤羽枯而礪鏃朝夕望乃成榮顯被親屬  
慈烏於反哺知以報生鞠學術不寸施猶之玉韞匱千  
載邁明良不能少負輻是生天地間曾不如草木以此  
望明公雲中一鴻鵠

臘月十八日呈子京

歲去如奔馬殘日十有三姪為當嫁女甥是未婚男叢

然猥俗併殊非力所堪嗟予本支離塵事素不叅東牀  
書一架西榻經一函如是歲月深吻舌如滕緘惟有陶  
淵明常欲共清談牀頭酒盈壺亦欲同醺酣二十一二  
間煩事如掃芟期使堂下空宴笑同所耽清樽酌宜深  
古語交蘄岩夜久燈熒熒金波忽東南歲宴獨優游庶幾  
為不凡

示潮州吳宅三甥

大郎性純淑至寶受磨琢二郎姿秀美白壁光閃爍三

郎神照藏宛若雛在殼五彩翔鳳翰參差見斑駁三人  
吾令甥亦嘗從吾學昊穹有顯通報應無舛錯未有祖  
慶厚而招子孫薄二親又善教曾不閑飲啄甥雖多似  
舅三子自超卓為文要根理覽古務詳博不惟子三人  
萬世同矩矱慎勿學舅癡直指世奸惡心雖在規益世  
誰受忠諤立身既不危青雲在挈攬

示女子

吾生鮮兒女汝次今居首柔惠少語言天性非矯揉女

生必有適二親非終守既嫁又他州安能長相就幸然  
汝夫賢純淑真汝偶出門天其夫禮律其來久汝姑吾  
之妹姑夫為汝舅事舅如事父事姑如事母三者無所  
闕汝則無大咎門內有尊親門外有親友歲時或餽助  
祭祀合奔走一一無間言乃可逃父醜治家在勤儉臨  
財戒多取誦經味其理聖心良可究即事念慈和無但  
勞叨味善看育與蟾二子吾珠鍔汝嫁既違鄉吾遷又  
遠趣東去十八程西來二十九三四千里間吾視堂猶



牖人生否與泰正若夜隨晝但當道無虧不媿載與覆  
憶昨汝初生時吾心有負以為臣事君即是子事父閨  
門有危難誰不在惇疚推其愛父心誰不得前剖幸為  
男兒身許國自結綬安能冷眼看終不一開口封章重  
十上夫豈避鼎斧南州雖譴逐萬死蒙恩宥行行出國  
門母馬吾徒步汝生未三月正當時襁乳雪片落鵝毛  
霜簷懸凍溜汝母斂汝身寒風裂雙肘驅馳僅逾時粗  
糲不敢吐殘春到貶所歲卯俄及丑汝時年十二稍稍

近針縷是歲真龍躍重明登九五湛恩被遐荒漸漬到

枯朽拜命走親庭便道從海浦既見汝姑賢汝乃吳氏

婦我乃緣他人譴斥循其舊人皆念再逐道路或攢皺

我以臣子心等視如榮授人生無患難憤勵亦何有況

茲尋前道復見迎賢堦旬月得相聚天與幸誠厚君命

不可緩病已斯馳驟南北出靡常惟祈各寧壽舉足念

其身行幽如白晝又當夙夜間警戒其君子神靈依正

直惟仁孝是祐書信或往來知汝無病苦為婦洎為母

皆不處人後定當舉家歡相慶酌大斗勝彼淚滂沱臨期一盃缶

六環助潮士鍾平仲納官輒辭贈以詩

揭陽繁富州鍾子處城閑怡然保清操不與世俗換豪家富庾庾鼠雀嫌陳爛鍾子無田園斗糴供晡旦甲第闢公門奴僮立如雁鍾子無使令其子供饋鹽無妻備組紉無婢奉炊爨市屋十數椽廛商是隣畔瞑陰滋蠹蝕飛屑落几案炎蒸鬱不通揮扇尚流汗絃誦不輟音

學海窮瀾漫文章有星斗胸臆藏璀璨何殊盛衣冠而

坐於塗炭下藥百十包虫腐皆逾半經年無人顧蛛網

潛滋蔓苦李十數株採摘亦素幹此外乃一無兒女不

蔽虧固非人所堪隨分亦侃侃何意官物租添輸告踰

貫太守為學校芹茆思樂泮買田垂萬年供給期無岸

誰人不樂輸我獨無計辦此時私愁憂幾至方寸亂我

身困長途脫身自投竄聞此心惻然不覺潛浩歎六環

聊助君鷺股難廣獻聊欲分子憂使免頻勾喚知子謂

子貧不知謂矜慢斯則朋遊愆此時那可斷子猶重辭  
讓揖拜如戰汗急取慎勿辭六環如六萬

再到吳子野歲寒堂

再到歲寒堂仍登歲寒閣閣上與堂前物物皆如昨鉄  
幹偃虬龍雲峰自巖壑文章有神力壁笥光彩錯主人  
歲寒翁古意何淡薄山有具樽酒忻喜為我酌高論寫  
胸懷千弩射鯨鯉速悟有寶龜靈通非火灼辯議恣酬  
答亦以資笑謔想翁賓去後前局徐徐鏤萬卷羅目前

舒卷良自若盛暑一榻風初寒一爐藥脩然去與來一  
箇無住着我亦淡泊人世味聊咀嚼無種不取嘗畢竟  
何美惡但聞歲寒風便覺世齷齪今茲翁如龍看彼皆  
尺蠖今茲翁如鴻視彼皆籠縛故願歲寒翁高收歲寒  
脚踏坐百千年看春華秋落無令木石心長笑人脆弱

古交行

大海有時竭此心漑不乾厚地有時圻此心無裂文持  
此以相照百鍊青銅昏用此以相惠貝壁黃金盤覲面

有餘歡背面無間言德義以相高慶譽以相先千古似  
一日萬里如同筵此為金石交誰與知者論

教子孫讀書

水在盤盂中可以鑑毛髮盤盂若動搖星日亦不察鏡  
在臺架上可以照顏面臺架若動搖眉目不可辨精神  
在人身水鏡為擬倫身定則神凝明于烏兔輪是以學  
道者要先安其身坐欲安如山行若畏動塵目不妄動  
視口不妄談論儼然望而畏暴慢不得親淡然虛而一

志慮則不分眼見口即誦耳識潛自聞神焉默省記如  
口味甘珍一遍勝十遍不令人艱辛

賦公悅席上事送周如京

逢世路分

疑誤

歸洛陽有客邂逅樵溪曲高談傾蓋萬珠

璣相對崇朝惟不足武陽太守山簡徒喜賢樂事天下  
無為客留公駐斯須精庖饌玉歌貫珠坐中賓客皆豪  
傑凜凜清風生頰舌性情浩浩談云云不待酒味既凜  
冽逡巡行幕如風翻二姝新出屏幃間一人捧心餘故



態對客悄悄眉峯攢一人襜裾半雲霧仙袂應曲飄飄  
舉解作陽關意外聲舊人只把花卿數此宵嘉會世所  
稀席上更覽周侯詩彫金有格但聞說不覽新集那得  
知俠于周侯非甚舊朋友十輩識公九此公惜別事如  
何反覆清篇還執手龍韜虎畧何處藏却向吟筆呈鋒  
銚堪作太平祥瑞錄將軍白首弄篇章

謝太守惠酒

重陰未宥避陽明飄風驟雨加震凌正月已缺二月近

滴水成凍威稜稜帝雖乘震利發生令猶行冬重嚴凝  
鴛鴦皆遷喬忽入谷魚已弄煖翻藏冰此時草木亦成愁  
祇恐不得達其萌吁嗟羈窮影弔形安得恣然如無情  
明良會合千載遇乃以罪棄投荒荆單親萬里頭應雪  
不得朝晚奉甘馨閩嶺之南方弄兵殺氣殊與生成爭  
既不能輔助聖時使咸若又不得慷慨帝前效昔人之  
請纓詩書滿腹浪自飽一句不得推而行身雖兀坐心  
惕驚愁緒忽起填骨髓但聽曠野深林調刁刁如有

神號鬼泣聲真江太守真慈明惠施每每先單筦眼前  
突兀雙玉瓶滿貯玉液清泠泠拜公之賜未敢傾不覺  
失笑三閭生不學憔悴思獨醒哺糟啜醢隨其朋往往  
一飲一石五斗解醒被人呼作生劉伶雖然遇酒而酩  
酊心不汝醉神亦寧開樽又飲太守德和氣坐覺生簷  
楹不知凝冽自何去至于愁思皆自澄乃知春功亦不  
遠緘封祇在瓶與罌安得遽爾披重雲劃見白日臨青  
冥和氣習習扇九壤枯枝朽質爭敷榮風雨時泰階平

聖君萬壽寰海清細草輕煙日邊路鳳管龍絲細可聽  
有耳不聞聲與鉦有目不識旗與旌聖功浩蕩不可名

醉翁行贈黎師醇

金峯醉翁七十九行步龍鍾面黧垢惟有滿腹奇文章  
日月爭新無老醜頰舌鏘洋言不苟咳唾成珠須信有  
兩眼如星照耀人見客偏明儼如舊問翁壯年愛暮酒  
邇日還如昔時否曰予不戰猶好看日飲常能傾一斗  
因持暮酒前就翁明日壺漿復予就朱君貧苦亦好奇

接續攜持窮清晝城中遑遑競趨走覲面草草忘親友  
幾人樽俎暫從容笑傲松篁弄花柳寧知北郭予三人  
繼日相從辰到酉龐眉皓髮常溫然相見妙齡眉目秀  
惜哉才高命蹇成遺滯四十餘年州縣吏棄之林野混  
漁樵徒使知音動嗟喟愚聞天道高遠不容人測度無  
奈人能樂其樂故有鼓琴重圍行歌遺穽浩然克塞不  
以世俗瑣屑累寥廓愚觀翁之子孫詵詵繩繩此其後  
慶為不薄世俗毋以翁老生輕心須知此翁頭白面黧

而英心義氣天地不得而銷鑠

連州斛嶺寨井

斛嶺寨行雲際下視長江入地底汲江登嶺行三里躋  
攀峻險為艱爾將率居民幾半千度歲終年苦無水爰  
自慶歷達元符循舊安常誰擬議元符太守何公賢愛  
民慮事誠而至以為山頂流泉鮮其事吾觀古人行師  
動萬億所至豈必皆平地軍必有井井未達將渴不敢  
聞衆耳陰陽者流以水照星星之所聚泉所委行行浚

鑿三日遇泉井成矣乃今三井如鼎趾豈特當年負瓶  
操綆僕僕往還之人為慰喜吾欲後之人知井所以起  
敬守前功無委圮必使甃砌長如今日之清泚萬萬斯  
年施何已故作此歌勒諸斛嶺之市

芭苴行

芭苴來芭苴去封書裏信不得住君不見箕山之下有  
仁人室無杯器以手捧水不願風瓢挂高樹

瑞像閣同楊驥雪夜飲酒

濃雪暴寒齋寒齋豈怕哉書隨更漏盡春逐酒瓶開一  
酌留孔孟再酌招賜回酌酌入詩句同上玉樓臺

和荆公何處難忘酒詩

何處難緘口熙寧政失中四方三面戰十室九家空見  
佞眸如水聞忠耳似聾君門深萬里安得此言通

次張子京遊天王湖作

湖上遲遲不忍還談玄清徹幾重關旋嵐野馬皆歸靜  
逝鳥潛魚各自閒墜果露巢秋後樹淡煙斜日晚來山



吟情到此何終極注目紅雲紫霧間

同子忠上西樓

偶因送客上西樓共愛佳城枕海陬雁翅人家千巷陌  
犬牙商舶數汀洲風吹細雨兼秋淨雲漏跡星帶水流  
獨有單親頭早白迢迢東望不勝愁

次孟堅初冬晴和見梨桃二花作

十月南天尚暑襟幽花何怪動清吟半扉素蕊呈修徑  
幾朶天紅出茂林地借小春回暖氣日勻踈影轉輕陰

惟應幕府多才俊不負行臺醉賞心

幽居

蕭條深巷寄門墻城郭村居事異常石展地衣三藥徑  
錦圍天柱十花檣幽禽隔樹鈎膠語異草搖風合和香  
不覺冬歸與春到但知無事日偏長

煙雨樓

仙人居處即鼇宮更作層樓峭倚空羣岫西來煙漠漠  
大江南去雨濛濛花鑣柳策熙怡裏耘笠漁蓑笑語中

別有夜楹千里月凭欄清興與誰同

示潮州妹子

八人兄弟三人在獨立他州信汝賢直使無情如槁木  
忍看垂淚念南遷從今依舊歌泉水何物偏宜寄謫仙  
美酒年年須百甕好從南海便乘船

和子京霜字見寄

秋深園圃雖無雨晚歲頭鬚自有霜身事無功且人事  
酒囊餘地乃書囊寒鴉嘯侶鳴喬木粉蝶成圍過矮牆

對此每思良友伴幸時來訪浣愁腸

次韻知郡登高言懷

莫向天涯說故鄉人身不似雁隨陽  
黃花滿手空佳節  
千里有懷如寸腸為許功名酬聖代  
不須愁緒付瑤觴  
男兒不是閨中物生則桑弧射四方

次韻張老見贈

烏鵲螻蟻有君臣此義如何易世塵  
欲為無窮宗社計  
宵憂如幻死生身  
八千江上奔馳路  
十二天南黯澹春

歸到親闈捧杯酒始知終是福唐人

觀碁

三百六十路通精此有門數竒藏日月機發動乾坤對  
面知為敵渾輸却有翻詐貪常易喪仁守乃長存隻子  
如輕用全功更莫論就令投險勝寧抵被圍奔縱得四  
方盡寧同一腹尊傍觀饒好着當局奈嗔言慙媿中孚  
信幾危大壯藩坐觀成敗者安得不驚魂

出御史臺

萬險千艱六出身如今也得避囂塵須知從此寒原上  
有箇行歌拾穗人

道中見以索牽五六十人監理錢者

可憐平地不生錢稚老累累被索連困苦新圖誰畫此  
祇愁中禁又無眠

宋詩鈔卷二十三

欽定四庫全書薈要卷二萬二百七十七

集部

宋詩鈔卷二十四

內閣中書舍人吳之振編

王令廣陵集鈔

令字逢原廣陵人也年十數歲與里人滿執中為友  
偉節高行特立于時王安石赴召道由淮南令賦南  
山之田詩往見之安石大喜期其材可與共功業于  
天下因妻以其夫人之女弟年二十八而卒令詩學

韓孟而識度高遠非安石所及不第以瓌竒也惜限於年耳

寒林石屏

號山之遠數千里號石之重難將持舟車號來每苦重  
釜盎尚棄不肖攜苟非世尚且竒怪孰肖甚遠載以來  
何況號人自珍秘得一不換千瓊瑰流傳中州盛稱尚  
主以詫客客見祈世人賤真珍貴假見者喜色留膚皮  
強材美幹立修蔭羅列滿野誰復窺我嘗客坐例一見



實亦可愛小且奇初疑秋波瑩明淨魚子變怪成蛟螭  
鱗鬚爪角尚小碎但見蜿蜒相參差又如開張一尺素  
醉筆倒畫胡髯髭如何石上非自然猶是軟弱從風枝  
高樓曉憑秋色老煙容雨氣相蒙垂喬林隱約出天際  
醉目遠睽分茫微不然誰家老圖畫破碎偶此一片遺  
借令人手弄點畫尚恐巧拙成瑕疵如何石理自生長  
安得當世無猜疑高堆黃金募辨說萬口利銳如磨錐  
或云南山產巨怪意欲手把乾坤移先偷日月送巖底

次取草木陰栽培天公怒恐寢成就六丁挑斧摩雲揮  
世人乘此得分裂鍛琢片段賡財資至今風雨號山夜  
樹石號作神鬼悲又云春氣入山骨欲自石裏生蒿藜  
根株芽枿未及出卒遇匠手相鑿鑿多稱老松已變石  
此固剪截根鬚離又云鬼手亦能畫多向石室成屏帷  
固知物怪浩難盡誰能向此明是非城狐老能男女變  
海蜃口或樓臺吹世間自是有此類何必詰曲窮所歸  
細思此屏竟無用石不中礪木莫一作不支徒將文理有

小異招聚瞽說成籠欺吐哉閉口不復論為語愛者無  
我譏

贈慎東美伯筠

世網掛士如蛛絲大不及取小綴之宜乎倜儻不低歛  
醉脚倒踏青雲歸前日才能始誰播一口驚張萬誇和  
雷公訴帝喘似吹

一作乞  
沙淹

盛恐聲名塞天破文章喜以

怪自娛不肖裁縮要有餘多為峭句不姿媚天骨老硬  
無皮膚人傳書染莫對當破卵驚出鸞鳳翔間或老筆

不肖屈鐵索縛急蛟龍僵少年倚氣狂不羈虎脅插翼

赤日飛欲將獨立跨萬世笑謂李白為癡

一作嬰

兒四天

無壁纔可家醉膽憤癢遣酒拿欲偷北斗酌竭海力拔  
太華鏖鯨牙世儒口軟聲如蠅好于壯士為忌憎我獨  
久仰願得見浩歌不敢兒女聲

寄題韓丞相定州閱古堂

始聞定作閱古堂又聞定有閱古詩揚之遠定五千里  
思得兩翅擘以飛偶聞人來說堂事初敞兩壁無塵疵

間時公來命繪匠親以玉指交畫揮教令某載若某狀  
匠拜奉命唯不辭左圖守相父母吏右狀將帥熊羆姿  
長冠戔戔偉笏佩鬬以玄白為裳衣屹如丁寧立以議  
遜若避讓行而隨圖成嚴毅色可讐過吏不敢竊目窺  
仍令大筆署行事寫出黑膽朱肝脾死者有靈如不泯  
合有英氣來附茲故公之謀不知出宜有神鬼一作陰  
助奇茫茫九泉謂已朽豈意一旦存形儀請留中壁素  
莫繪待千歲後公以歸當搜國匠第一手狀寫公像存

依稀要知文完武純備遺與萬世瞻思資我知觀者足

墮淚不復覘首羊公碑又聞當世大手筆磊砢詩句相

撐支手搏蛟龍拔獬角爪擘虎豹全脫皮郢州溪堂遂

寂寞韓詩塵蔽人不吹想應從此傳萬世粹玉貫串珠

縈纍小戎何為尚縮伏久滯公斧血不滋何時功成事

業就兩手一掃清三垂

一作  
陸

歸來天子喜以頷泰階輝

煥平無欵次招當世草茅士各使呈露心腹披締裾聯

纓上廊廟留與後世圖為師然後回謝閔古堂彼合異

代今一時

龍興雙樹

春城花草窮朱殷俗兒趣走脚欲穿閒來無惊喜自適  
時到雙樹為奇觀莊如天宮植幢蓋毅若壯士蒼衣冠  
老枝叉牙忽並出似欲併力擎青天靈根深盤不可究  
疑與地軸相拘攣不知培栽竟誰手而又始植為何年  
行捫步遶不可問但見茂色連雲煙東風牽人少游此  
佛屋日日重門闕雖有大陰人不及于此尤得志士憐

束蒿為楹樗為柱居者畧不憂其顛迺令遺材抱美植  
不得總載桷與椽高堂傾欹未支柱匠者日亦經其邊  
不思大幹有強用反以斧鈍難其堅吁嗟誰是愛材者  
定知惜此雙樹篇

原蝗

蝗生於

一作滿

野誰所為秋一母死遺百兒埋藏地下不

腐蝦疑有鬼黨相收

一作扶

持寒禽冬饑啄地食拾掇穀

種無餘遺吻雖掠卵不加破意似留與人為饑去年冬



溫臘雪少土脈不凍無冰漸春氣蒸炊出地面戢戢密若  
在釜糜老農頑愚不識事小不撲滅大莫追遂令相聚  
俄氣勢來若大水無垠涯蓬蒿滿眼幸無用爾縱嚼盡

誰爾譏而何存留不咀嚼反向禾黍加傷夷鴟鵂啄銜

冬取飽充實腸腹如撐支兒童跳躍仰面笑却愛甚密

嫌疎稀吾思萬物造作始一一盡可天理推四其行蹄

翼不假上既載

一作戴

角齒乃虧夫何此獨出羣類既使

跳躍仍令飛麒麟千載或

一作始

一見仁足不忍踏草姜

鳳凰偶出即為瑞亦曰竹食梧桐棲彼何甚少此何衆  
况又口腹害不訾遂令思慮不可及萬目仰面號天私  
天公被誣莫自辨慘慘白日陰無輝而余昏狂不自度  
欲盡物理窮毫絲要祛衆惑運獨見中夜力為窮所思  
始知在人不在天譬之蚤虱生裳衣捫揆撥捉要歸盡  
是豈人者尚好之然而身常不絕種豈此垢舊招致斯  
魚枯生蟲肉腐蠹理有常爾夫何疑誰為憂國太息者  
應喜我有原蝗詩

題滿氏申申亭

申申亭者名自誰河東丈人身銘

一作名

之方其作亭自

休息固欲申暢名其題雖然自奉頗優樂豈敢兼忽當

世為若曰所憂非所及因以遯世無悶辭丈人疎高喜

自適去不限約來無時門無賓僚車馬絕室有几杖衣

冠

一作中冠

歆夜徑行招海月伴晝榻坐與天雲期春林暄

和鳥聲好勝聽俗論相啞

一作啞

呬塵埃縱爾得風力卒

不到此徒自飛亭前朱朱有冶態亭下白白無俗姿好

木留存竟見實惡草鋤拔無容次嘗聞景勝未易敵須  
有大句相叅差故吾經年不敢往日望詩老力可支偶  
來為游適已晚花梢尚有春餘遺高哦遶樹惜時節拾  
嚼紅片行逶迤回看北林竹萬箇寒氣一作萃欲起凌人  
威清風時來助氣勢寒甲夜聚言語私方將投閑日來  
此脚踏樹下成交蹊無端塵土又為隔明日跨馬西北  
馳心思夢好定頻到不必直俟歸風吹

聞太學議

白日流上天牛蟲無遁形萬目盡為用而不駭日明穴  
鼠夜值螢嗾嗾相聚驚鼠穴不日通鼠足不日行已矣  
不日識迺此螢爝矜魴蝦陷井坎莫與江海爭籬禽不  
天飛詎識雲漢冥吐哉浮薄兒勉為高大營

贈別晏成績懋父大祝

懋甫相門兒家世沓纓統早年綴官簿青衫蔚於茨本  
宜多驕矜不謂銳義敢意貪英雄交一手欲四攬偶來  
濫予會臂搦首已頷酒寧誇胸襟頂踵都一膽壯心羞

摧藏義肉喜道歎要言相死從

一作死  
相從

顧豈苟難斬聽

其自陳論峭拔不平漸要之當一切固合不黜黯

一作黜

憶余少年時亦自喜黜濶于今老而悔壯意日凋減惜  
夫相遇遲君放我已檢驟聞強大語若虎餓得啗已無  
相高心徒有志氣感春風吹天昏醉目睨愁黥念當相  
別去兩懷不無慘何時重來過慰我涸轍噉惟其別去  
後猶一飽復歎幸因西南風時作寄我槩

夢蝗

至和改元之一年有蝗不知自何來朝飛蔽天不見日  
若以萬布篩塵灰暮行嚙地赤千頃積疊數尺交相埋  
樹皮竹顛盡剝刮况又草穀之根斲一蝗百兒月再孕  
漸恐高厚塞九垓嘉禾美草不敢惜却恐壓地陷入海  
萬生未死饑餓間支骸遂轉蛟龍醢羣農聚哭天血滴  
地爛皮蒼蒼冥冥遠復遠天聞不聞不可知我時為之  
悲墮淚注兩目發為疾蝗詩憤掃百筆禿一吟青天白  
日昏兩誦九原萬鬼哭私心真冀天耳聞半夜起立三

千讀上天未聞間忽作遇蝗夢夢蝗千萬來我前口似  
嚙嚙色似冤初時吻角猶唧噥終遂大論如人然問我  
子何愚乃有疾我詩我爾各生不相預子何詩我盍陳  
之我時憤且驚噪舌生條枝謂此腐穢餘敢來為人譏  
爾雖族黨多我謀久已就方將訴天公借我巨靈手盡  
拔東南竹栢松屈鐵纏縛都為帚掃爾納海壓以山使  
爾萬噍同一朽尚敢託人言議我詩可否羣蝗顧我嗟  
不謂相望多我欲為子言幸子未易呶我雖身為蝗心



頗通爾人爾人相招呼飲啜為主賓賓飲啜嚼百豆爵  
主不加詬翻歡欣此竟果有否子盍來我陳予應之曰  
然此固人間禮儉介迎召來飲食固可喜蝗曰子言然  
予食何愧哉我豈能自生人自召我來啜食借使我過  
甚從而加詬爾亦乖嘗聞爾人中貴賤等第殊雍雍材  
能官雅雅仁義儒脫剥虎豹皮假借堯舜趨齒牙隱針  
錐腹腸包蟲蛆開口有福威顙指轉賞誅四海應呼吸  
千里隨卷舒剝赤子身飲血肥皮膚噬啖善人黨嚼

口不肖吐連牀列筭筮別屋閒嬪妹一身萬椽家一口

千倉儲兒童襲公卿奴婢聯簪裾夫豢羨膏粱馬廐餘

繡塗其次爾人間兵旱倡優徒

一作兵倡  
釋老徒

子不父而父

妻不夫而夫臣不君爾事民不家爾居目不識牛桑手

不親犁鋤平時不把兵皮革包矛父開口坐待食萬廩

傾所須家世不藏機繪繡絲

一作繡  
緙錦

衣襦高堂傾美酒

膾肉鱠百魚良材琢梓楠重屋擎空虛貧者無室廬父

子一席居賤者餓無食妻子相對吁貴賤雖云異其類

同一初此固人食人爾責反捨且我類蝗自名所食況  
有餘吳饑可食越齊饑食魯邾吾害尚可逃爾害死不  
除而作疾我詩子言得無迂

寄滿執中子權

吾愛子權詩苦嚼味不盡窮思欲名狀百比無一近初  
如貪追兵屢請忽許進旗旄交叉幢戟劍後先刃方爭  
奮挈先忽覩斬亂徇徐驅得平郊萬甲合一陣偏裨走  
起頗中堅坐吳牘喊呀鬪志酣髣髴窮敵訕前軍奔交

兵後馬走斷紉須臾聲金休萬噪快一雋羣降挑戈矛  
叩拜乞用釁蒼黃請命間竊視不敢瞬玄雲壓空虛半夜  
暴霆震睡耳起欲掩驚仆失肝腎壯者固已然況余乃  
齟齬及其久詳味欲吐復自恡有如羅百珍次第嚼  
順貪豐不辭多愛美忘餘餒故其留人口雖久咽喉潤  
何時匹馬來一作東畏愛氣兩振唯其未合間如不獲謝  
蘭望風為此詩顛倒猶合爐

再寄滿子權二首

秋近啼哀蟲君思云奈何我愚得君思合少君賢勞我  
心則多非獨辭源長瀉海為江河平生未始有點缺玉  
日拂拭金燒磨尋常羈與裡見一足已蹉又況一地卧  
三虎狗鼠雖勇何敢過揚州我何思青山無一螺午市  
不畜寶米鹽纔如它而吾三夫子一身各丘軻瓊林自  
生寒結霧成冰柯文章日組緯玉機飛金梭誰有真珠  
繩結何張麟羅拔為當世祥聲為太廟歌我願參衆民  
手足搖婆娑

有錢莫買金多買江東紙江東紙白如春雲獨君詩筆

宜相親綴聯卷大十牛腹要盡寄我無寄人我將攜之

東

一作攜之  
東海去

脚踏海水洗齒脣轉來清澈飲百斛蕩滌

腸肺無纖塵嘗聞泰山高高處天為鄰借如無梯不得

上亦欲大呼呼天神鋪陳君所詩譟口雷鼓振世多俗

耳既莫告當冀上帝依稀聞正聲定不感凡類舞躍百

鳳千龍麟安能學俗兒一卷不復伸天公聞否尚未快

決一作

安得鐵翼穿秋旻

答東嶽之索詩

世味久已諳多惡竟少好惟詩素所嗜決切欲深造人  
安已不休衆耻我獨冒有如懶行跡欲改復自蹈肝腸  
困搜尋吻舌倦搏造心靈無餘多為此日有耗已勤尚無  
成既苦每自勞自笑如秋蟬饑極不止噪努力排韓門  
屈拜媼孟竈惟此二公才百牛飽懷抱我如餓旁一作飢  
者眊眊不得搞不知去幾多窮行竟未到無門隔藩籬  
發罅窺堂奧愛之不可入抵觸發狂譟借使苟有成不

知竟何要孤名非所求弊俗詎足傲况乃非所及窮海  
未為浩不知何時休定訖死與耄因疑今世人恐有我  
同操徽之才超高竿幢出標纛為學尚淹蘊富橐不肖  
暴文章內朱豹外襲一以皂大論尤堅強推舟出行界  
珉硃不施功徑欲制珪瑁幸此不我陋教誨日陳告昨  
因語及詩請我使自道屢謝不得命迫窄遂顛倒被堅  
誘羸兵伏銳待穿盜取勝雖必然窘窮亦堪悼勉為瓦

礫投幸有金珠

一作  
珠玉報



寄滿居中衡父

前會去莫追後見來無期別嘆後見難悔恨前會稀惟

吾衡父兄

友一作

金純玉光輝裁磨殺圭角不與瓦礫齊

大匠陶百窑不問履下泥一衡舉千鈞何棄毫與釐余

獨胡為人乃不忍使遺有如橫道芻萬足踏不疑子何

嗜好殊獨俯掇

拾一作

以歸整束使不茨欲令雜蘭芝蘭

芝有天香芻賤雜則非然其廁置間適與薰染資文章

每借觀罅隙窺晴曦議論使坐聽穴牘聞英池春園或

承招遊騎亦許隨劇雲愛風枝爇火圍夜碁縱談心

一作

祿

開張倒笑冠欹披匹馬載以來東首頸脰疲夜夢不

厭勞百里夕一馳想見目與眉百障千藩籬不虞自投  
置遂若鳥遭竊何時獲因緣連筓促馬蹄誓言當盡晨昏  
不復起退辭

謝李常伯

人從東南來忽得連紙詩行義不赫曄名聲無姜蕤雖  
常誤見辱旋則拜席歸別久謂已忘不圖猶記之長封

大書字顧我已忸怩開滕把之讀推與果失宜剥虎蒙  
羊猪借使出類奇見豺先自奔遇豢還羣隨是故古之  
人為己賤若斯有聞未之行李路恐不嬉名浮過所實  
軻也耻以非今而承所賜迺此亦可噫賢者寧過哉當  
是我有欺忍愧讀終篇喜驚改肝脾嚶嚶誨教言舉舉  
仁義辭初令探本根喻以海與池乾坤老六經遺編爛  
孔姬尚恐惑異說教之無遷移強聞終日乾仁不三月  
違卒以二者終要我勉不疑百誦百再拜下淚如掛縻

交朋百愚諛此語聞之誰憶初從粹翁睡耳忽得提震

驚破百昏寐覺悼前迷今而去之久茅塞心叢茨驟承

夫子言快斧加芟蕘舊穢忽剗銷新涂坦平夷念當不

捨去戴服同冠衣猶恐免袒間復作須臾離且將鏡

之心不止涅之皮二者苟一能終始庶不遺平生若

嗜詩此篇况驟馳喁喁夜不休齧嚼午忘饑仰嗟天

骨雄俯嘆人莫為星明有常高日圓無食虧讀久口

益饒舌軟涎流垂想當措意初嚼雲吐虹蜺脣牙哆

華鮮肺腸涌光輝故其紙上言飄有霄漢姿何可對酬  
謝約海量珠璣

對月憶滿子權

長風掠海來吹月散百鍊

一作白鍊

青天豁四壁雲靄不容

線窻軒颯先秋露氣入簟扇寬

一作空

庭生夜涼蚊口不

得擅人靜暮客去坐偃適自便清牽睡思醒明發醉膽  
健披風睨白月瞪視不為眩未甘景獨勝思出大句銜  
狂搜得無奇猛吐復自吮篇成若奴婢氣骨終凡賤置

棄不復收嘆感退自旋起探君寄詩兀坐諷百遍駭哉  
劇雄勁百札洞一箭間逢騁新奇春雲弄晴霰古意終  
重厚九鼎掛一鉉吾嘗笑夫人語富則自願及嬰愛君  
念始自信惓惓閱女當求孀慕士在護彥鄙哉尋常者  
何用目識徧得逢誠幸多既別遂堪嘖乖離時況久會  
合卜未先思之不可見飛魂不身戀秋城崔嵬高圍我  
屹若圉安得擘風翅飛出不自殿巧為相見謀反覆竟  
未善惟當遠相要共借月為面相離苟同天舉目亦兩

見又況相去間纔止百里縣不知竟可否寄詩代請勸

### 八檜圖

客有要我八檜吟手攜八檜圖來懸掛張滿壁揚可駭  
眄顧左右同嗟嘆翦摹石刻署名狀各有憑附相資緣  
或高相扶互倚礙或斷欲蹙猶支顛強枝拗回信有力  
高幹復俯蛟蚪拳尋根及株逮條藥例不拔直皆翦偏  
雷疲風休雲雨去蛇龍鬪死猶鈎纏安分爪角一作牙與  
尾鬣徒見上下相蜿蜒不知生時竟何謂畧不叅類常

木然宜乎今古惑昧者搖擺舌吻歸之仙一尤盤拳老

高大傳云

一作曰

聃老由飛蹏當時駕鹿躡以上跡有町

疇遺相連多應竭殘鳥喙啄不爾誕者強鑱鐫聃能惑  
人已自幸豈此上去能欺天借如聃功可升躍鹿亦何  
幸飛相聯于中一本特甚異膚革逆理紐左旋傳云聃  
手所自樹我知此語定鑿穿苟令實為聃老植推以天  
意猶可言當年曷不紐以右若曰世為左道牽如何衆  
轍不省究反重神怪令聃專乾坤中含萬品彙此獨自



異誰令旃

一作殊  
陶甄

窮思竟慮莫可索欲世不惑誰能塞

仙書虛荒喜誕妄推說事理尤綿延世人一讀即化變  
日望飛奮相迷癩豈非此木久樹此浸漬亦為異說遷  
故其形植與生死時以異怪招驚憐先時世不早斤斧  
放其老大訛誇傳當年同生好材幹半以直伐成燒燃  
憑妖附誕相樹立卒自死活終完全葉枝凋疎不有蔭  
材直弗枉曲莫輟不知留存護養者竟以何理惜不捐  
我有尺鐵大剛利久已鑄斧磨山巔卒無柯柄尚棄置

懶乞月桂求嬋娟

秋夜

秋夕不自曉百蟲齊一鳴時節適使然鼓脅亦有聲爭  
喧鼠公盜悉宰蛇陰行獨有東家雞苦心為昏明

答東孝先

純金出鎔爐烜赫掩熾火錦成洗春江衆目眩莫奈魚  
鹽物誠微誤用幸不浣君家兄弟賢我見始驚夥文章  
露光芒藏蘊包叢脞闕門當自足何暇更待我固知仁

人心姑欲恤窮餓苟論才不才自合棄如唾憶昨西來  
初戚惕待客坐交持駕說口張闔不可鎖間發辨經義

鐵舌莫摩挫高文忽下投白日駭天墮眩怖欲前掩布  
帛不可裹初觀固宜驚獨獲亦堪賀又如遇貴人繡錦

飾婀娜回眸忽自鑑惡面復窶裸屈降心已甘嘆憤志

亦頗雄高豈復爭愛恤亦加荷大詩又

一作忽

來及推與

太浮過自無賢可稱以是惡甚播譬如享甦人豆食止  
則可苟強擔石負蹉跎適足禍何以論報心結草效鬼

魏一作顥

寄洪與權

與權江南來適自滿門會初無合我志纔以客面待時  
時相鉤探稍稍互酬對根源豁波張扁鐫失分解君然  
領還嗟我恐敬若戴相逢時既多相待兩交快予初  
請子交子曰何可外中又謝不德卒曰吾而愛既而第  
以年子合我兄拜揚雖士云多往往事冠帶中間滿夫  
子崛出百萬最更以子從之而吾米則糶朋從偶許攀

會合日與在春晨巧誇招月夕因論話書狂逸飛蛇碁  
毒甚含薑相謀務奇勝聚口笑拙敗貪驩不知久歲律  
忽移再余饑奔先西餓色面留菜子待去亦恨書以問  
我奈別來君何如思子我心痠朋分無舊歡世險有新  
態高言足瑕疵俗學牽細碎貧知身責重病覺學力怠  
壯心已無多況去日有退預期後相見頑陋徒老大好  
勤寄余書思子百憂萃

寄滿子權

子權今謂何久不治簡書子素賜我多豈以此遂疎予  
亦如常時病與貧相俱冉冉草沒階客脚不踏廬貴者  
事名位崖岸誇懸殊賢者縱有來顧我欲取無惟餘齷  
齷徒吾亦羞與居潭潭一室空編帙環三隅暴陽不憂  
償偷飽幸未誅且可延朝昏憂思老頑愚獨有思子懷  
涕下時暗鳴

冬陰寄滿子權

玄雲載雨惜不下北風吹急水相黏周遮覆蓋不通透

錮結已厚難披燭微陽未復老陰壯記去暖律時猶淹  
青天何可一日失漸恐此去無由瞻日馭自懼不得脫  
畧出急入地下潛憑陰託寒恣凌爍風伯得意一作志欣  
沾沾但幸天公不省悟誰顧下地人嗟讒隔絕霜露曠  
不下帝有潤澤何由霑非惟勾芽凍夭折亦恐萬類由  
茲殲九龍銜火互相暖稱有日職偕不甘羣兒銳奮不  
量度欲仰吐氣吁以炎惟有壯士抱劍卧思得美酒聊  
自酣

弱弱誰氏子

弱弱誰氏子鮮鮮一何姝來奔富人家妻與富人俱一作

居嚴一作粧問夫子我豈彼室如夫子笑遣之彼寧與

汝都升堂一作由阼階德色溢以舒親賓不敢笑退語

相囁吁高堂聚羣婢唯諾相恣睢家事忽不圖顧指取

自如朝令折桂薪暮遣藩籬除風雨半夜來百釁生不

虞屋壓盜隨至夫死別嫁夫東鄰有淑子性一作不事

鉛朱端居待人求正色不願諛清鏡見一作白髮行媒



不顧問不知愛妻人取捨何異歟

答黃數富道

角角適時足力走猶或遲從而不逮人不若坐視之而  
予始用此已無先人思間自念斯世固亦未易為以其  
得而慚曷若退自宜老身可孔顏餓死猶夷齊予心最  
樂此尤喜用自持豈將六尺軀賤易五穀皮但無百畝  
田得一作可抱剛氣歸年來事窮感露暴無自依姊寡

不能嫁

一作無為家  
又作不得家

兒孤牽我啼平生事文字無路活

寒饑勉從進士科束若縛襁兒時時忽自笑

一作笑自忽

往

往窮加悲

一作還窮悲

有如高飛鳥中路饑自低銳知從食

來不

一作豈

意身投竊神龍拏白日挾雨萬里飛使其口

有銜安得無馴隨雖然平生志固未忍散遺間時自開

縱哦吟助噓噓纔將舒已私豈敢偷人知黃君道德者

術業何願願手提九黃鐘苟取折籥吹縣知失氣類誤

以倡和期不知里社歌不可郊廟施况余衰病餘有氣

亦已卑加之困俗學牴角方牽羸陳詩盡自道幸子憐

無疵

一作疵

春風

春風東來暖如噓過拂我面撩我裾不知我心老有異  
亦欲調我兒女如庭前花枝笑自愛風裏草力更相扶  
芻林曲樹足飛鳥不聞燕雀鷗鳶鳥求雌要雄各有意  
豈但鬪競爭春呼春巢成多夏卵衆明年計此更有餘  
非惟喧呼亂人耳漸恐巢穴妨人居收殘射中豈無道  
我亦力可彎長弧林深枝曲矢不入况弓待借家所無

行吁坐眊不可奈安得靜默投身俱

哭詩六章

死者徒已死思之恨無涯生者非素心還作死者嗟今  
古悲畧同斯道竟奈何哀絃直易絕哭詞曲難歌

朝哭聲吁吁暮哭聲轉無聲無血隨盡安得目不枯目  
枯不足嘆無目心自安目存多所見不若無目完

切切切切淚盡琴絃絕憤氣吐不出內作心肝熱朝  
漿渴不勝莫潦濁不清何以慰我懷安得滄海水

哭莫傍滄海淚落長海流  
流深風濤多駕蕩覆我舟  
不若灑春草荆榛蕪蔓莖  
怨氣觸草死猶得香蘭生

朝歌憂思多暮歌無奈何  
偶嘆氣亦絕未慟血先沱  
淚落入口少不如出眼多  
安得堂堂軀不為瘠且瘡

目雖淚所出由來心乃源  
白日睞我面意欲乾汎瀾  
而不照我心我淚何由乾  
況在重雲遮使我何自安

張巡

祿兒射火燒九天鬼手不撲神  
聽旃羣庸仰口不甯唾

反出長喙噓之燃睢陽城窮縮死鼈危繫一髮懸九淵  
巡瞋睨遠兩皆拆怒嚼齒碎鬚張肩恨身不毛劍無翼  
不能飛去殘賊噉翁軀腥刀子磔俎日嚼肉血猶經年  
霽雲東攘兩臂去西來才有九指還胷中憤氣吐不散  
去隨箭入浮屠搏忠窮智索莫自効更嚮愛妾嘗饑涎  
我疑沒日賊不食恐其肉醢死不痊又疑身骨不化土  
定作金鐵埋重泉何時山移陵谷變發出鼓鑄戈或鋌  
吾如得之願有用不誅已然誅未然

贈李定資深

涉川固有道造舟不如梁曾聞水覆舟不聞死乘扛奈何揭厲子先先勇褰裳豈盡水害人固亦謀非臧

鳳雖謂靈畜無竹或

一作終

死饑竹今無方無鳳來亦云

一作何

時使之羣

一作隨

鴟鵂饑飽為止飛非惟失所靈亦

與彈射期

坦坦誰之田施施謝且弋烏來玩其機鵲至喜其食長鴻飛冥冥志與萬里極豈無啄飲心寧饑不人得

湍激日蹙蹙風稜勢漫漫奈何舟上人試死才一間苟  
不以利涉安坐思誠艱客雖懼謀梁而木嗟在山

古廟

古廟隆隆敞庭扉風雨剝壁頽柱榱我來安知神所依  
穹堂憲宰風幡旂神君龐軀突鬚眉視我睨睨坐倨箕  
惕礫觀者駭不恬羣鬼後先張福威直東之廂步逶迤  
目益所見怪可噦馬牛羊犬雜豕雞或戴以首翦四支  
間有人面身亦非老祝趨前為衆詞口吻囁嚅言嗚咿



稱別狀類顧東西唱號名字分何誰空虛冥漠非所期  
豈亦以此為人尸視其膚革已彪狸寧有中反恬肝脾  
又有械器身挈持傳言厲疫此乃資古之日行歷虛危  
猶恐盛陰鬼所隨磔儺于門驅使馳今安取此廟以祠  
不念延虐殆疋羸農凶年多苦餓饑苟幸得飽不擇祈  
來則拜叩盡敬祇幸天之澤偷自歸民德且恐報之時  
餽肴豐鮮牲魚肥欲奠以獻更濯庖進謝千語拜百低  
工鼓于庭巫舞衣祝傳神醉下福禧農謝神去祝徹之

庭前剪割棄餘遺鵲鳥下爭趨不飛回顧神面如故時  
意者不為祭謝移嗚呼神固一作信非吾知

雜詩

方春不種蘭終歲無自佩良田弗加芟徒穉亦無歲空  
令雨露恩日夕被蒿艾安坐饑怨天此理果誰在  
一日不為田百草已有根況復閑三時其穢何待論豈  
不有錢鏹徒羞慵借勤歲晚憂不耕何獨議耰耘  
穆穆晚春樹上下聚百蟲不有口似蠶則生尾如蜂設

不二者然亦徒生無庸清陰不可居晚歲還秋風

答問詩十二篇寄呈滿子權

有序

今既愛盧仝蕭宅二三子之詩而猶恨其發之輕也  
然忘其効而更重之則得矣逮子權之起予予實慕  
之輒為十二篇其題亦不易子權所謂東墅諸子答  
問者予獨廣之爾其水車之篇獨異于子權然特其  
文則然吾知子權與吾與它知詩者謂為異也

鑄問未

金堅雖不磨木曲亦已採幸蒙主人用反要主隨走適  
從慵耕兒雖耕不見取良田常無收何塞不耕答

耒答鑄

三首

我用常在金任金適由木苟得金為用何惜木微曲幸  
得主人隨不恤汗行犢必求隨主人我用誠不足  
我用于主人良田無虛種主人不我以我適為無用不  
知主人饑卒歲安自奉由來我求人孰與求我重  
我必為人用不必用于人若也責不耕君其問諸田

耒問耨

一畦失之荒爾力亦可耨天下方漫蕪爾力亦何有

耨答耒

天下方漫蕪顧我適有庸使其已除脩我將何以功我  
豈大無効自是用我慵

耒問斧

子斧誰爾為黑白太分別朝伐一樗死暮伐千樗藥爾  
終不自謀幾日不缺折

斧答耒

大樗吾猶伐小樗何畏藥吾缺猶俟磨爾折將奈何

水車問龍

來何必召雲去何必飛天我名不為龍何能雨爾田

龍答水車

神龍謝子車子能未足多上潤雖已然下竭將奈何

水車謝龍

水車謝神龍下竭固無奈旱則我為用爾龍尚何謂

龍謝水車

神龍謝水車  
吾語爾來前爾雖用于人  
我亦用于天  
在物固不同于用  
豈殊然  
水下高田  
乾爾能俯水取  
假人不爾用  
爾售田責否  
吾雖身為龍動  
亦天所主  
天猶不有命  
我安事為雨

中夜

晝日苦卒卒  
忽焉不加思  
長夜漫不眠  
起復日所為  
所為浩多愧  
不與初心期  
虛云聖賢學  
實從庸俗歸  
雖耻

猶奈何長歌涕垂頤

書懷寄黃任道滿子權

西風吹雲空晴日露高矚  
駑馬無速騁歸客思遠屆長  
林剝霜紅遠水漾寒派露蟲悲自一作且咽風菊老尤介

昔予來方春焰焰樹生態今歸亦未幾馬踏落葉壞時  
物固有然盛衰信難概吁嗟為生勞黽勉計無奈伊余  
有遐致久此困俗械嘗思擺絕去自放出世外高懷樂  
天寬遠目斥人礙有田足晨昏有圃具菹菜父母不待



養妻子固易賴世孰得丘山亦孰失蒂芥人自能輕重  
吾將守所愛六經老誠明萬古熟成敗得時為醢鹽滋  
味和鼎鼐失猶有萬世令名自沽賣自視久已明決不  
俟謀蔡寄詩侑子觴期子和而再

令既有高郵之行而束孝先兄弟索余詩云

擾擾利學者久不可與謀讀書乃何為老不知軻丘弗  
恤義所在務期高爵收嘗聞失則嗟不聞得之羞知誰  
洪其源使世乘其流于今已汗漫更久將溯游嘗聞古

人言饕餮為共兇謂惡豈必多偷飽德弗脩不知自思  
者捨此何所由故予早知懼誓將異人求寧為寒餓嗟  
不同富貴謳此行況有獲師德高前修因嘗請子行勉  
子無逗留于吾仍何有同病不獨瘳雖愛謂子然尚疑  
子終不惜子有高材竿幢揭華旒苟能自擺去不為世  
學囚行將見遠到強弩射弱菼何必請予詩自合治子  
輶

酬東丈貺詩兼叙所懷

白日立中路犬去不形相夜以盜自來何敢怨犬傷主  
人忽加念謝怒犬無良盜子隗伏前有言願加詳見賜  
固已多怒犬誠未臧

卜居

吾求一屋逮兩月貧不謀貴何以圖竭來自放就窮巷  
幸得之喜何敢吁頽簷斷柱不相締瓦墮散地梁架虛  
門無藩闌戶不閉時時犬毚入自居主人憐我莫自致  
為我補葺加墜塗翻翻匠氏乃誰子頽頽作氣厲叫呼

羣庸洶洶助聲勢睥睨凌我要我酤歸來嘆息無自得兩  
日纔致酒一壺徵多償少意不愜棄我忽去如逃逋重  
來閒寂不可問依舊四壁編空蘆嗟予雖貧日猶爨可  
不善為盜釜謨外戶不閉古則爾今也盜賊通街衢乞  
錢買籬作藩固更學關鍵防朝晡鄰翁問我乃何者得  
無亦以自名儒王朝潭潭聚冠蓋幾人不載卿相車子  
何布被不蓋肉浪自名士實則奴假為無能等編戶猶  
可自擇安閭閻胡為慘戚卒因此去矣何屋不可徂此

居卑注不待說四高中下流無渠夏霖連延久積注往  
往竈下秋生魚始來圖此不自擇終見坐與蚯蚓俱何  
況梁棟日蛀腐一仆非爾力可扶苟求暫安急旦夕反  
以身就殞歷虞廼知窮則失自愛死得正命有幾且翁  
乎爾言誠得矣我方困甚非真愚

送李公安赴舉

行子冠上塵梁宋道傍土塵逐冠弊捐人來還復去馬  
蹄日月長踏盡西北路近日何紛紛姿狀頗秀舉傳言

天子詔士得四方赴來如鵲翅翻去若蠅頭聚市兒屈  
指計過百日未暮昔周方盛時得士纔十數唐虞此為  
盛中復容女婦昔何稱才難今也寧異趣但恐所取異  
今古殊尺度夫君乃高才久有及物慮今又奮絕去挺  
拔欲自樹余窮非所知久有山林素但無百畝粟乃就羣  
才賦仕道得亦嗟困窮失為懼二者各有命子亦何所與  
離高郵答謝朱元弼兼簡崔伯易

昔來何悠悠今去亦泛泛豈自果進退姑且便飲啗三

代去今遼士食久已濫徒死不為義可無苟石擔平生  
墮百為且就役鉛槧束身入世程開口就人歎怒喜有  
失得眉睫煩窺瞰野鳥或在籠山猿有終檻能安此為  
命雖失亦何一作何所憾予嘗勇自明磨古得前鑑抱關賢  
所容較獵聖或暫庶未負初學尚為神所監予行人之  
嗟我笑不為領子獨辱所厚以詩繫歸纜命和始自書  
狂言庶非僥

山陽思歸書寄女兄

淮風晴舒舒楚水日夜流風能駕吾帆水可載我舟余  
歸知幾時子望懸百憂念我兄弟寡商參各殊州十年  
不一逢會合何所由幸逢子來歸與我相慰投甥兒入  
吾牽甥女出我留子吾笑其間貧不知可愁心如熙春  
陽樂若醉九酬憶我別子日將行更逗留泣恐傷子心  
淚出仰目收別日纔幾時別思日九秋心隨西北風目  
望東南樓主人仁且賢憐我羈旅游晨粳玉炊香暮酒  
金注甌盤蔬羅春青豆脯兼夕鱠為食豈不美義咽不



下喉要當歸子同半菽飽亦優始予志所學義當望軻  
丘燭來與世評衆口忽起咻嘗觀世金朱此道久已偷  
胡為不奮去附世如贅疣而子亦待人特以貧不謀參  
差雨如此偃蹇勢畧侔要當共引去逸出世網罟遐追  
避世徒子與侍巾裘吾將亦娶婦力以石臼求買田結  
歸廬種樹屋四周子居課桑蠶我出鞭耕牛教妻績以  
筐使兒餉來疇坐笑忘歲時聚首成白頭歸乎當何時  
詩以侑子謳

大舟

大舟無風帆不舉小舟榜入青冥去舟中漁子呼且歌  
夜半鬪魚誰得多

望花有感

春來幾時余不知但怪日日柳梢好我嗟無地自種花  
常恐東風只生草誰家有園不可入時時縱足信自到  
寒梅最香落已闌桃杏雖遲亦顛倒高枝飛鳥夜踏空  
低樹狂兒日摧拗惟餘零落滿地紅主人更聽奴頻掃

歸來四顧慷慨歌要且傾酒澆顏酡春歸欲挽誰有力  
河濁雖泣庸奈何

餓者行

雨雪不止泥路迂馬倒伏地人下扶居者不出行者止

一作返午市不合人空衢道中獨行乃誰子餓者負席緣

門呼高門食飲豈無棄願從犬馬求其餘耳聞門開身  
就拜拜伏不起呵羣奴喉乾無聲哭無淚引杖去此他  
何如路旁少年無所語歸視紙上還長吁

暨陽居二首

出無王事牽入不治居舍蒿藜入墻屋塵垢變几架糟  
糠苟無憂智力取自暇逢詩即廢日得客輒忘夜積懶  
遂成性習勤反如詐幾不類怠傲愧耻將何謝

身非爵與官車馬久不謀家無田倉儲雀鼠非我仇朝  
出從人居詩書講前修暮從兒子嬉歡笑何所憂閑將  
筋力疲懶使志慮收斗糈尚煩送誰謂能無求

謝客二首

擾擾車馬客各以勢利奔自問問蒼人何為亦紛紛與  
客成往還勉就俗所敦禮不經聖人頗厭後世煩欲問  
無所得歸視紙上文以非孔子心尚拜陽貨豚乃知偪  
仄間心跡久已安去矣可奈何更問來者門

蹉蹉出何為奄奄歸就卧不知身所謀徒與俗相和本

無聲利求

一作營

久厭車馬過詩書雖滿前奔走不暇坐

收身衣食餘抱病歲月破得不勝所忌進亦何可課前

躅杳

一作莽

難躋下愚旋易墮得勢有然爾命矣何可奈

一作非  
所那

春遊

春風誰相呼鳥語到庭戶罷書起何游

一作往

繫馬城西

樹寧須客衆隨聊與春相遇高林羨風竹疎影有清覆

可以便行坐解脫快中屢日長天地寬飄戾飛雲度風

枝綠未柔

一作舒

日夢紅先露芳辰信可尚嘉興惜無寓

舊聞黃公壚

一作頗屢

枉壯士顧予雖輕數子自適偶同

趣起解身上衣就貫青旗酤獨酌不待勸興至還自注

對物無所語似若誼譁惡雖無歌舞歡幸可篇章賦乾  
坤本閒暇人物自紛遽勞生曷不樂歲月失已屢酒闌  
起四望落日不可駐饑馬自知家何須問歸路

送曹杜赴試禮部

霜風琅琅鳴鼓鼙鳥寒夜噪樹折枝居者不出行者歸  
殿馬解銜車棄脂長河夜冰船就維百賈晏起朝閉扉  
為問當今行者誰出門千里到何時母送拊背父嘆嘻  
兒惜欲去哭挽衣上馬反顧紛涕洟非所願欲去何為

家雖有田豐歲稀所得償公不及私況望羶腥事庭闈  
結髮從學今十朞始自有志徇孔姬豈願從世成依違  
高堂華髮紆素絲暮年待子為光輝望我日久莫報之  
苟得一笑辱弗辭況望舊作得三釜家無飢吾于二子久  
所知怪其才高所就卑今乃語此誠可悲近聞天子變  
典彛欲撥舊冗收新奇子行出仕適其期驂騑得路無  
銜羈罷酒行矣無自遲去取天寵酬親慈

野步



久嬰末俗喧脫就綠野靜方求中屨便那暇賓客命林

紅落春衰草

舊本作桑

綠爭夏盛時從老農語久佇行子聽

謂言勞苦後各以閑暇慶時逢瓶盎沽亦有肴核稱喧

嘲忽無次歌唱仍相詠酒闌紛起坐白髮忽

一作或

兩凭

兒乘旁樹嬉牛卧前籬瞑予方困俗累愛此近天性何  
當從之歸買舍與相並

### 古風

古風何寥疎世方盛夸慕利塗劇先趨直軌迷曲駐渾

渾九河翻仡仡百川注分爭或多岐歛枕纔一趣睢盱  
承至歡驚疊謝絕怒財得升斗多勉售形骸雇不知萬  
鍾得孰與一日裕況承丘山羞願易頃刻遇誰能脫近  
役自放就遐驚航湖足菱魚拔野厭笔茹行招千古游  
坐與來世語延風敞虛襟揖月坐嘉樹此意固有然童  
兒未堪預

旅次寄寶覺訥師

小雨破宿暑曉風忽焉道山深樹翳陰蜩蚻應已秋清

坐想高絕語言誰應酬豈不念一往抱病終自留羈旅  
少往還有來或非倚命僕一謝之縱我冠屨休移牀上  
高堂解書散牀頭于此有嘉興念世誰與謀獨思山林  
人茲意可綢繆何當買田廬共遂丘壑遊

寄呂惠卿吉甫兼簡林伯通

跋跋門外馬客至知謂為

一作

誰昔面尚未逢那論心相

知揖客拜上堂

一作拜客  
揖上堂

謝客辱弗遺寒暑相問酬唯

諾坐無為靜默近尤怨多言足瑕疵勉從客所論還顧

所學非念此廢無益對書坐長嘻

一作為此嘆無益廢書坐長嘻

獨思

同懷子念遠莫見之豈無寄我書歲晚得苦遲聞頗困  
王事豈無閑暇時況有同僚賢相期在詩書人生天地  
間常苦食所縻去就兩莫謀會合寧有期余病不自樂  
舊學益以隳近者非所同遠者勞夢思江水日夕東道  
塗宛而夷寄書當在勤無謂還往稀

答逢源

呂惠卿

晨出趨長司跪坐與之言偶然脫齟齬相送顏色溫

歸舍未休鞍簿書隨滿門相仍賓客過歎午僅朝餐  
平生性懶惰應接非吾真況乃重戕賊良氣能幾存  
就夜甫得息閱我几上文開卷未及讀睡思已昏昏  
自知小人歸昭昭復何云每于清夜夢多見夫子魂  
側耳聽高議如飲黃金樽覺來不得往欲飛無羽翰  
昨日得子詩我心子論先怪我書苦遲友道宜所敦  
豈不旦夕思實苦案牘繁豈無同官賢未免走與奔  
相見鞅掌間有言無暇陳嗟嗟茲世士無食同所患

念我力難任聞子謀更艱久知為之天安能怨窶貧  
吾聞君子仕行義而已焉亦將達吾義肯遂為利牽  
東海有滄溟西極有崑崙古來到者誰不過數子尊  
子已具車航吾亦為檝輪欲一從子游不知何時然  
寄崔伯易

擾擾間巷士過我何所為屢來徒我煩不來我弗思少  
年樂知聞喜與客子隨晚歲事恬默與世益參差騎馬  
出尋人中路輒自歸歸來亦何樂書史自相期已與往

者親可無茲世違欲語無所得起視北雁飛念子遠千里昔別今已暮寄聲雖云多所得竟亦稀近者忽報書期我往就之不知予苦窮繫此不可離尚迫朝暮憂寧有道路資人生少所同老去纔幾時予勢既若此子復不肯來但恐百年間齟齬終莫齊詩以寄子招亦以寫我悲

寄孫莘老

默默不自得勞勞非所任不與君子逢誰復明此心偶

客來自南口有千里音知無木索勤頗復山水吟對之  
為一笑欣如獲千金宣城風物佳古語昔已忱太平又  
其右道塗邈幽深溪流渺灣環山勢屹抱臨况復寂寞  
人黃綬事陸沈公田秣既收客席酒屢斟悔予昔南浮  
不往一就尋波濤忘日月疾病廢古今歸來就羈銜外  
慮日已侵適時愧非才對客輒自瘖譬如火炙膚暫忍  
久莫禁唯思百畝田為可足釜鬻投身脫世簪斂足蹈  
古箴寄言所同懷相期在中林



夏日平居奉寄崔伯易兼簡朱元弼

天風變春和晝日差  
夏永門闌閉無事燕雀去益靜  
紛翻詩書帙棄散懶收整  
時來就枕卧復可取窺省心恬  
逐物閒迹濶與世屏鮮鮮  
南山暖秀色上脩嶺苟嫌安  
坐慵還可遠游騁自緣智能薄  
反得閒暇幸交朋久相  
遠疎懶欲誰警

幙幙庭下樹陰影日已敷  
癯癯閉門人簟席自卷舒  
高

枝就懸冠曲枝挂裳裾

一作襦

還來從此息卧視詩與書

栢栢門外客遊從駕驪駒不知來何聞一作乃肯顧我

閤呼兒往應門謂言出在途非我敢厭客非客與我疎  
以予拙語言無以得客娛一不當客意恐與世患俱不  
如兩相忘何能効紛如

送朱明之昌叔赴尉山陽

朱侯拜書天上回去以身試百里障青衫飄若風外荷  
借馬載出塵土上準眉嶄嶄見天秀如立繫馬萬里望  
身軀雖小胷腹寬沛如絕海橫秋漲久宜脫絕事高致

豈願卑冗勞俗狀高堂華髮親老矣四海無家寄几杖  
世外言高信獨奇人前腰折嗟已強尉官雖小俸雖薄  
猶有餘錢買甘養想當家帷奉顏面綵衣躬率婦子餉  
說說兒女戲滿前累累諸兄坐相向人間此樂不可幸  
一笑自足百辱當時清固應稀盜賊俗弊寧不煩咎掠  
好偷閒暇事簡編思我寧無文字況

### 學子

瑣瑣來學子從我問古風謂

一作吾

言古之人學不求世

功以其明智餘施與天下同能知學為身自不恤窮通  
童子顧我笑是言得無蒙斯道使可遵曾不聞父翁謂  
言童子歸盍自謀厥躬吾不能爾言一作吾能為爾言亦不必  
爾從

寄滿子權

昔心何悠悠今學益漫漫淼如浮江河浩不際涯岸生  
雖樂文字勤不償几案重編空堆塵折簡久枯汗徒如  
陳市肆表列環四畔已無探討勤胡可賢否按零丁晚

觀玄泯滅舊習豕得指來歲期失忘去日算嘗聞勤惰  
間已是愚知判蒙羞欲何顏避耻愧無翰不能繩已急  
何力禁人叛文章觸世嫌議語限客竄時牽好惡卑俗  
撓是非亂早衰奪舊剛多病襲新懦心經衣食難事廢  
米鹽半何謀脫身去割跡與俗斷耕荒食新收鑿室復  
舊貫念生如冬冰至死僅春泮其間能幾時何恃苦自  
緩翩翩淮南英顯顯士林觀方子未為遊辱子昔同閑  
篇章覲新華論說聽橫捍包竒晚自走去實王府玩近

書何相揀頗以名見謾不知老者拙棄此久已斷方將  
勇自樹解轡縱新驛行期拾春青采綬綰歸腕垂離思  
舊歡遷徙就新絆無琴雖自歌有酒欲誰伴閒暇當寄  
詩持此資賀換

暑旱苦熱

清風無力屠得熱落日著翅飛上山人固已懼江海竭  
天豈不惜河漢乾崑崙之高有積雪蓬萊之遠常遺寒  
不能手提天下往何忍身去游其間

寄王正叔

微生不過人氣力兩眇麼力學失自謀徑古趨今左病  
世相陷賊樹住期剛果豈不中是時然亦未嘗過奈何  
衆好殊未語咻已夥俵俵獨何之去去銳亦挫忠言不  
售耳直面屢得唾怒目瞋以環謫口焰而火出門先自  
羞有衣恍疑裸過市不成步侶距倂鼃跛周旋不出扉  
迷若蟻循磨人惡固為甚自厭近亦頗媚世定有術欲  
學從誰可必也泥自售恐由此始禍賢子遠相問幸有

以教我得報速是宜翹企不容坐

雜詩效孫革老

魚鰕無所能動輒困人得蛟鯨能則乖覆舟取人食龜  
鼈雖謂殊剝剝同一劇龍不入網羅亦不為人識

犬羊養於人壯則人食之猛虎嗜人肉終昧獵者機豺  
狼與狗同為害豈必威封狐能為人還作行子妻

雜詩呈逢原

孫覺

鴻雁最知時未逃羅與網不能忘稻粱千里安得往



鳴蜩腹空虛見啄因其響丹鳳穴九霄虞人常夢想

呼雞

雞呼雞來前犬噬犬至止夫豈必可召役以食乃爾令  
吾曷為悲人而雞犬為自計無自存西山謝夷齊

姚堅老見約偶成

初正布新和餘臘爭近候升騰陽力微恒怯老陰關江

雲蕩空碧

一作無據

疎

一作朝

雨沐清晝林稍釋冬枯土蘖壯

春簇萋蕤風日舒刻畫山野秀闐闐先春鳥格磔弄晴

味無人與調和終日自嘲詬唯君卜近適過我許來就  
遷延日屢蹉嘆惜月復殷人生誠多故世事那可究唯  
當自推置障絕俗慮寇休閒倘能偷疎懶當自宥徒行  
苟憚勞借馬欲誰殿清醕如定攜佳客可先購勉之無  
使遲梅萼已堪艱

初聞思歸鳥憶昨寄崔伯易朱元弼

去年春日花盛開嘗有鳥啼歸去來余詩告爾東海志  
子笑屬我南山杯將希遐躅蹈高軼就拔去跡離俗埋

同時游者最誰上朱子峭擢凌春材門闕午景卧正懶  
過我呼號如春雷鄰驚偷窺婦女怪婢駭奔

一作

走兒

童咍門開納坐聽論列笑口侈哆傾胃懷寒菹半菽要  
同飢齏醬叫乞喧鄰限僧從南浮橐異角尉解西去亭  
遺臺心爭誇漫詰蜒蜿目樂虛豁留崔嵬柳梢黦黦空  
晴絮杏花爍爍翻遺埃春湖平渟照空碧淮帆曉上攬  
天梳西歸頗阨窮餓久南泛未免丐乞哀竭來隨人事  
卑折忽自顧影漸低摧平時客坐不敢語苟以唯諾償

嫌猜胃中約結浩千萬到口不吐如橫枚比來頗自撥  
俗礙日傍竹樹良徘徊昏昏萬事置不省知己疎懶心  
難裁一聞春風動啼鳥猛若重睡忽喚回咨嗟歲月急若  
失嘆息無地安蒿萊比于見人日加懶行恐合俗老益  
乖不知飄浮寄茲世竟亦何計收形骸春林沾沾風日  
好飛止自便宜爾諧何為猶道歸不得世間萬事真悠  
哉

思京口戲周器之

江南別日醉方醺  
貪愛青天帶水痕  
忘却碧山歸路直  
誤投浮世俗塵昏  
終期散髮江邊釣  
當有漁舟日繫門  
但恨故人猶喜仕  
他時胃腹未堪論

寄東伯仁

身逐南舟去不迴  
匡廬留滯得裴回  
峰頭夜宿平看斗  
巖下朝陰俯聽雷  
西顧波濤浮日月  
東歸天地入塵埃  
何時得遂幽棲志  
常把韋編靜處開

對花

憂愁卒卒人無樂  
花草紛紛物又春  
安得無憂與無慮  
對花還作笑歌人

春遊

春城兒女縱春遊  
醉倚層臺笑上楼  
滿眼落花多少意  
若何無箇解春愁

春晚雨後

東風柔弱事春權  
劇雨無端轉愴然  
不惜好花都委地  
却令遠草直平天  
龍蛇久蟄應思奮  
蛙蝮乘時已自先

綠柳由來却堪笑  
葉著愁劇遂長眠

紙鳶

誰作輕鳶壯遠觀  
似嫌飛態未多端  
纔乘一線憑風去  
便有愚兒仰面看  
未必碧霄因可到  
偶能終日遂為安  
扶搖不起滄溟遠  
笑殺搏鵬似爾難

古鑑

一片靈光合有神  
不知鎔鑄竟何人  
春耕破冢衣冠盡  
鬼手摩天日月新  
鑑面祇知西子姣  
照心難見比干真

主人深有收藏意當待清明不受塵

和東熙之雨後

獵獵風吹雨氣腥誰翻碧海踏天傾如何農畝三時望  
只得官蛙一餉鳴何處斷虹殘冷落有時斜照斲分明  
雷車收轍雲藏跡依舊晴空萬里平

幽居感懷寄滿子權

卜得幽居四絕鄰尋常庭巷斷蹄輪門前犬豕卧橫道  
城上牛羊下視人滿眼夕陽閑草樹回頭歸路正埃塵



思君未見東來計何日雙眉對面伸

秋懷寄呈子權先示徽之兼簡孝先熙之

樹哭寒蜩草哭蟲何堪羈客憤時窮卒無可樂羣書外  
百不堪言一嘆中雲黯暮天沉白日土塵平地斷清風  
夫君若問秋來況淚滿遺編髮亂蓬

九日寄滿子權

懶將衰病照清流為有歸心欲白頭幸自好花開便笑  
不甘為客見成愁長歌欲強秋風醉高處先輸俗子遊

我在無聊元亮死當年今日共悠悠

次韻子權京口夜宿見寄

寒江漠漠客帆稀獨泊扁舟望翠微已寫綠醺聊自適  
更邀白鳥共忘機水閑海月寒初上樹盡秋城碧自圍  
嗟我相思邈千里不來同此兩忘歸

答孫莘老見寄

高門鞍馬日光榮勢力紛紛起共爭偶以不能聊自便  
敢于茲世獨求清生無人愧寧非樂死有天知豈待名

客食官居同是苟何須稱別異平生

登郡樓

江城朝雨濕晴煙樓上風帆送去船  
苟得息肩閒歲月時來開口笑山川  
田園啼鳥三春日江海扁舟萬里天  
何計脫身來此老青山白髮兩忘年

感憤

二十男兒面似冰出門噓氣五蜺橫  
未甘身世成虛老待見天心却太平  
狂去詩渾誇俗句醉餘歌有過人聲

蘇軾詩集卷之十四  
燕然未勒

關

在不信吾無萬古名

登瓜洲迎波亭

海面清風萬里寬  
偶來如已脫塵關  
自嗟客世無虛日  
却被斜陽占盡山  
海鳥不來青嶂靜  
漁師歸去暮江閑  
從來雲水有期約  
直待功成是厚顏

憶潤州葛使君

六朝遊觀委蒿蓬  
想像當時事已空

一作清談  
事竟空

半夜樓

臺橫海日萬家簫鼓過江風  
金山寺近塵埃絕鐵甕城

深一作高

氣象雄欲放船隨明月去應留閒暇待詩翁

何處難忘酒

何處難忘酒窮才世不知出門無直道開口礙當時白  
髮無端速青山不忍歸此時無一盞何以活餘黎

庭草

平時已多病春至更蹉跎惡土種花少東風生草多客  
愁渾寄淚野思不堪歌獨有詩心在時時一自哦

秋日寄滿子權

樓前暮靄暗平林樓上人愁意思深未必薄雲能作雨  
從來秋日自多陰三年客夢迷歸路一夜西風老壯心  
欲作新聲寄遺恨直絃先斷淚盈琴

江上

暮暮荒城沒遠煙暮雲歸旆忽相連春江流水出天外  
晚渡歸舟下日邊杏萼春深翻淺纈柳花風遠聚晴綿  
無錢買得江頭樹輸與漁人繫釣船

送聲隅黃先生

黃風吹土截天橫瘦馬着鞭驅不行尚說苦心耐直道  
誰知白髮為蒼生平時襄贊恬忠蓋常日公卿足仰成  
雖有英雄無用處却令老去買牛耕

寄介甫

天門廉陛鬱巍巍勢利寧無澹泊譏難與跼徒爭有道  
好思吾黨共言歸古人踽踽今何取天下滔滔昔已非  
終見乘槎去滄海好留餘地許相依

寄滿子權

窓前午枕夢忘還  
門外清風晝掩關  
天下誰當千古後  
牀頭自笑六經閑  
能將道繫窮通裏  
安用身干進退間  
自愧公心猶有蔽  
清時無日不思山

寄都下二三子失舉

大學蠶鹽共苦辛  
寒窓筆硯日相親  
梁王臺畔一分袂  
楊子江頭三換春  
篋裏黃金須買酒  
鬢邊白髮解欺人  
窮通得喪誰能定  
況是男兒有此身

次韻滿子權見寄



當世雄圖不可懷  
退居蒿艾自沉埋  
門無來足荆生道  
病不能鋤草上階  
自是直方違世易  
况將疎懶合人乖  
無由與子同樵種  
回首平林浪可柴

病中

十日身無一日寧  
病源知向百憂生  
寒侵騏驥應方瘦  
蠹滿楸楠豈易榮  
小閣晝閑書帙亂  
畫堂風靜藥羅聲  
北山扶杖終歸去  
寄語巖猿莫曉驚

金山寺

萬頃清江浸碧瀾  
乾坤都向此中寬  
樓臺影落魚龍駭  
鐘磬聲來水石寒  
日暮海門飛白鳥  
潮回瓜步見黃灘  
常時戶外風波惡  
祇得高僧靜處看

發甘露寺閣

忽忽勞生歲月催  
時偷高迹出浮埃  
風沾草樹紅朝動  
春入川原綠夜回  
欲出壯懷臨八極  
可無樽酒到高臺  
江山不與人相語  
似待忘言野客來

謝張和仲惠寶雲茶


故人有意真憐我，靈旂封題寄華門。  
與療文園消渴病，還招楚客獨醒魂。  
烹來似帶吳雲腳，摘處應無穀雨痕。  
果有同嘗竹林下，寒泉猶有惠山存。

太湖

西南無盡望，吞恐罄吳郊。  
海近私憑蓄，天低不敢蛟。  
龍宜自宅蟬蛭，莫令巢遠浦。  
纔分點歸檣，畧認梢水槎。  
潮更潤地過底，宜坳鳥截煙。  
維斷風淩浪，脊交大橋橫。  
作畫別岸缺，成文吟恐詩。  
無氣圖憂筆，費鈔歸輪范蠡。

得官許季鷹拋去憶心應繫歸誇口定說窮何須蹈海  
來好卜編茅著戶生同隱居民釣自庖滄浪未容濯魚  
杻夜停敲

宋詩鈔卷二十四



總校官庶吉士臣張能照

校對官庶吉士臣陳壩

謄錄監生臣朱煥